


1863 - Entelgientscha denter Hans Giachen Decurtins

L'entelgientscha stat en connex culla construcziun dalla via atras la val. Il contract succeda denter la cumissiun stradala e Hans Giachen Decurtins e Madleina Decurtins. Entgins nuegls han stuiu far plaz alla via, la vischnaunca ha giu da pagar e secunvegnir per nous nuegls cun clavau. Contracts da tal gener dat ei beinenqualin. Davart la via ei vegniu menau contabilitad a moda fetg sempl, aschia el cudisch 11.1 "Quens pertuccont la via cantunala 1864", egl archiv communal da Tujetsch.

Entelgientscha denter Hans Giachen Decurtins e la cumissiun stradala



Entelgientscha

D'ina vart statalter Hansgiachen Decurtins, da l'autra vart la cumissiun stradala eis ei s'entelgiu ariguard tschentar in baghetg sco suonda.

Secuntenta il sura statalter Hansgiachen Decurtins da dar il sulom da tschentar in baghetg da dus nuegls da sedisch armauls per nuegl e quei per 3 francs il fest cun miserar grundas e la cuort sco quei che fa da basegns per cuort e viadi cun la clara cundiziun ch'il proprietari possi aber quei che crescha sin grundas e la cuort possi sez guder per adina sco era schar ad el il tratsch che vegn cavaus giu da siu funs u sulom, e deigi era buca vegnir cavau ord il funs dalla cuort, el possi cun quei tratsch far tgei ch'el vegli ed il chischner duei era vegnir si per preit avon nuegl e fermaus en vid il clavau, clar detg il chischner duei vegnir tschentaus si ella cuort.

Per confirmaziun dil sura suttascrivan ils suandonts,
Rueras, ils 9 da zercaldur 1863

Hans Giachen Decurtins
Per la cumissiun stradala
Duri Venzin

Il medem di sco sura eis ei s'entelgiu cun Madleina Decurtins ariguard siu funs che mass per far il sura baghetg ed era quel ch'ei ius per la via ed ei cun ella amicablamein vegniu perina ed ella ei secuntentada cun 2 francs il fest per siu funs che vegn duvraus.

Per confirmaziun dil sura fa la Madleina Decurtins si sia noda casa
Per la cumissiun stradala
Duri Venzin

Ch'il cuntegn da questas duas brevs seigien registradas el cudisch da marcaus sut pagina 347 attesta

Tujetsch, ils 7 d'uost 1865
Giachen Antoni Schmedt

1863 - Alp Tschamut – dispeta

Cugl agen possess dall' Alp Tschamut, dapi 1861, entscheivan ils problems, inaga denter ils vischins da Tschamut pervia dil diever ed auter e lu cun la vischnaunca.
In plogn pretenda la terminaziun dall' alp e che Tschamut hagi il dretg vid tuttas alps da vischnaunca.
Ina mediaziun en connex cul plogn dil vischinadi enviers Tujetsch ha giu negin success. Ins passa la via da dertgira!

Alp Tschamut – dispeta denter il vischinadi da Tschamut e la vischnaunca

Mustér, ils 7 da mars 1863 cumparan avon il suttascret A. Condrau, mediatur:
Sco plogn il vischinadi da **Tschamut**
Risposta la ludeivla vischnaunca da **Tujetsch**

Causal

Il plogn pretenda mo la terminaziun da l' **Alp Tschamut** en quei senn:

1mo. Che quei che seigi da maun seniester dil **Rein**, dil **Plaun Mulin**, enasiviars, tochen si tier il cunfin d' **Uri** da quest maun il lag d' **Ursera**, e da leunenasi sco l' aua che vegn giud las **Puzzas** e sparta il territori d' **Uri**, audi tut tier l' **Alp Tschamut** tochen tier il cunfin da **Maighels** e **Cavradi** e ch' ils vischins da **Tschamut** hagian il dretg da guder questa lur alp persunalmein, seigi cun pascular ni segar sco atgna proprietad.

2do. Pretenda il vischinadi da **Tschamut** da ver il dretg vid tuttas autras alps, pastiras ed uaul da vischnaunca sco mintgin auter vischin da vischnaunca hagi.

Essend tutta proposiziun amicabla menau tier negina entelgientscha sche vegn la questiuon envidada tier il cumpetent derschader.

Las spesas giudizialas da 2 frs. vegnien pridadas ord la segirada.

Il mediatur
A. Condrau


Brev digl onn 1863

Il president dil tribunal districtual **Rein Anteriur** alla titulada suprastonza dalla ludeivla vischnaunca da **Tujetsch!**

Schinavon sco las tractativas d' amicabla entelgientscha denter il vischinadi da **Tschamut** e la ludeivla vischnaunca da **Tujetsch** pervia dils cunfins dall' **Alp Tschamut**, han tenor relaziun dil vischinadi da **Tschamut**, giu negin success, sch' ei il di da dretg per questa questiuon fixaus sin ils 14 da settember, aschia che la ludeivla vischnaunca da **Tujetsch** vegn cheutras citada da cumparer il sura fixau di, ils 14 da quest allas diesch avonmiezdi a **Mustér**, en casa cumin, avon il tribunal districtual **Rein Anteriur** e zuar cun ils medems documents sco avisau alla citaziun dils 27 da fenadur, numnadamein:

a) In document ni sentenza digl onn 1786 denter la vischnaunca ed il **Hof Tschamut**.

b) La brev da cumpra da **Surpalits**, **Maighels** e **Cavradi** pressapauc dil temps 1620 – 1630.



c) Tuttas scartiras ed acts che havessen relaziun e sclariment en la presenta questiun e che fussen en igl archiv da vischnaunca, principalmein ina brev che plaida d'in process da **Cavradi**.

d) La cumposiziun dil decasteri ei sco indicau en la sura menziunada citaziun.

Cun stema

Mustér, igl 1. da settember 1863

Placi Berther, president




Enamiez schai il territori dall'Alp Tschamut

1863 - Conclus dils vischins da Tschamut appartenent sias alps

Ils vischins da Tschamut seradunan e concludan d'empruar da sepacificar culla vischnaunca ed evitar la via da process. Els formuleschan lur giavischs e pretensiuns en endisch artechels. Adina puspei giogan era ils vegls documents ina rolla essenziala, aschia quel da 1398 ch'ei vegnius renovaus 1543. Ella davosa part expriman els lur giavischs aschia:

«El medem temps che la vischnaunca approbescha las avon screttas preposiziuns, sche declaran ils vischins da Tschamut da s'abstrahar giu dalla via dil process, cun declarar aber ch'els paghien negin strof, il qual era pli baul mess si per haver segau il fein a pastg sin lur alp, sco era sedeclaran da far negins auters process per las alps e pastiras da casa da vischnaunca, bein aber duess ei vegnir serrau giu pasch denter la vischnaunca ed ils vischins da Tschamut.»



Conclus dils vischins de Tschamut, appartenent sias alps
atgnas, per sepacificar cun la vischnaunca de Tschamut per enviar
giu dalla via dil dretg la vertenta questiu, sco era
auters process che pudessen suandar aunc suenter.

Conclus dils vischins da Tschamut, appartenent sias atgnas alps, per sepacificar cun la vischnaunca da **Tujetsch** per enviar giu dalla via dil dretg la vertenta questiu, sco era auters process che pudessen suandar aunc suenter.

1mo. Che la sia brev dall'alp da **Tschamut** adattada da 1398, renovada 1543, deigi esser e restar tier siu cumplein diever e possess e che la vischnaunca renconuschi ch'il numnau **Mun Travers** viers l'aua che vegn ord l'alp da **Maighels** e va oragiu ell'aua da **Curnera** e siara el pèz dil **Stavel Bullettas**, ed encunter entochen il **Stavel la Siera**, sco igl ei stau terminau, sco igl ei vegniu gudiu e possediu dils vischins da **Tschamut** per atgna proprietad sco l'autra part alp da tut temps, e che la vischnaunca hagi negins dretgs da quellas duas alps ni da pascular ni da segar, auter ch'ils vischins da **Tschamut**, ils quals stattan di e leu e partan las grevezas da lur vischinadi.

2do. Dil maun da **Muschaneras**, quei che stat en questiu cun la vischnaunca e vischinadi da **Tschamut** deigi la vischnaunca renconuscher l'aua dil **Dutg Gron** che vegn giu dallas **Puzzas dil Lai** e giudem quei dutg agrad giu sco el avon la malaura gronda mava e sin las **Puzzas** deigi ei vegnir tenu il medem dutg entochen sin ils cunfins d'**Uri**, e quei dutg vegn numnau quel dil **Dutg Gron**. Da l'autra vart dil dutg dallas **Puzzas dil Lai** che stat en questiu cun la vischnaunca ed ils vischins da **Tschamut** che vegn giu encunter l'aua che vegn oragiu dalla **Crusch** u cunfins d'**Uri**, deigi vegnir gudiu ensemen cun la vischnaunca, bein aber che la vischnaunca seigi obligada da schar cargar las nuorsas ils da **Tschamut** sch'ei plai ad els cun las sias sin lur alps, pagond il sal e pastur sco ei po tucchar sin tutta l'entira muntanera.

4to. Pertuccont las cauras da **Tschamut** deigen ver sco dretgs sco vidavon da pascular **Cavradi**, **Maighels** e **Surpalits** sco la brev da cumpra da quellas treis alps plaida a siu plascher adattada dils 1625.

5to. Secuntentan e sedeclaran ils vischins da **Tschamut** da bandunar **Surpalits** cun ses tiers, oreifer priu ora las cauras, ils 20 da zercladur entochen ch'ei vegn descargau dallas alps e pastiras da casa e star sin lur alps da **Tschamut**. Duess aber pli tard la vischnaunca seresolver da vender ora in ni dus mises en **Surpalits** senza memia grond donn dalla pasculaziun dils

vischins da **Tschamut**, sch'en gliez cass vegn ei dils vischins da **Tschamut** schau tier; bein aber duess la vischnaunca seresolver da fittar via **Surpalits** per tscheins, sch'en gliez cass deigi la vischnaunca buca puder schar via senza il cunsentiment dils vischins da **Tschamut**.

6to. Secuntentan e declaran ils vischins da **Tschamut** per tut il funs che peglia naven dall'aua da **Prau Mulins** entochen **Surpalits** sin ils ses agens funs suenter il lanstros niev da buca far bonificar enzatgei per la classena che stuess vegnir derschida si u bonificada ad els dalla vischnaunca, bein aber ch'ils vischins da **Tschamut** segien era buca obligai da far si quella per obligau, sundern sch'els mo voluntariamein vulan far si quella, sch'en gliez cass deigi la vischnaunca stuer dar lenna a norma d'autras classenas.


7. Stoppi la vischnaunca renconuscher ils vischins da **Tschamut** adual els vid tuts uauls generals da vischnaunca, sco era vid tuttas lennas da feglias, seigi da tgei natira ch'ei vegli; bein aber deigi vegnir tenuu quen dil tratg en e pagau ora da quels ed il vanzament da quels deigi vegnir pagau ora ils deivets generals da vischnaunca suenter esser separau si ils agens deivets, che van buca tier als da **Tschamut**, sco per exempel igl arvè dalla venerabla claustra, il benedir las alps, il muser, sco era spesas per mantener lur alps e pastiras da casa.

8. Pertuccont il pauperesser dall'entira vischnaunca, cumpriu en ils da **Tschamut**, il trer via quels, deigien ils vischins da **Tschamut** esser perservai da buca stuer schar vegnir tier da sias atgnas alps enzatgei, seigi lura cun cultivar ni cun segar u spelar, auter che sco quei che sia brev da cumpromiss plaidda, adattada digl onn 1806.

9. Pertuccont la taglia per la via nova sco per il restont deivet che la vischnaunca ha, deigi vegnir priu tenor il cadaster dalla taglia dil cantun, tenor rauba generala e privata, resalvond ils uauls, deigi vegnir incorporau ensemen sco ei fuss, sco ei fuss dus „stats“, **Tschamut** in, ils auters vischinonts da **Tujetsch** l'auter e repartiu suenter mellis. Ils auters deivets generals da vischnaunca, sco per exempel scolas, pervendas e per salari digl obercheit, deigi vegnir pagau cun il vanzament dils uauls e nunfagend avunda quei, deigi vegnir repartiu sco la vischnaunca anfla per bien.

10. Deigi igl obercheit da vischnaunca esser obligaus da dar giustia da tut temps als vischins da **Tschamut** el cass che denter els surpassassan ils ses uordens dil vischinadi, sco era sch'ei vegness surpassau d'auters vischins da vischnaunca appartenent sias alps ed igl uorden da quellas, bein aber possi igl obercheit per igl emprem prender giu d'in tal per siu incumet sco el anfla per bien, il donn aber ch'in tal fagess als vischins, deigi vegnir en cassa dils vischins da **Tschamut**.

11. El medem temps che la vischnaunca approbescha las avon screttas preposiziuns, sche declaran ils vischins da **Tschamut** da s'abstrahar giu dalla via digl avertend process, cun declarar aber ch'els pagan negin strof, il qual era pli baul mess si per haver segau il fein a pastg sin lur alp, sco era sedeclaran da far negins auters process per las alps e pastiras da casa da vischnaunca, bein aber duess ei vegnir serrau giu pasch denter la vischnaunca ed ils vischins da **Tschamut** el senn da questa scartira, sche deigi d'omisduas parts, in ni dus



Calzon de guerra
per part, e Lentar fin nief document sca era terminar il process
uncompito della alps de Tschamut seigi cun metter tiarms ni en

per part, tschentar si in niev document, sco era terminar il (mira sura el document original ils plaids suttastrihai) document dallas alps da **Tschamut**, seigi cun metter tiarms ni en auters dessegn.

1863 - Nota ni memorial dils vischins da Tschamut

da prender en egl las pretensiuns visavi encunter la vischnaunca encunter nosa alp.

Il vischins sedostan cun in memorial. En memoria cloman els lur dretgs, fan pretensiuns enviers la vischnaunca, pretendan ch'els seigien era affons dalla vischnaunca, pretendan indemnizaziun per esser sclaus dallas alps e fineschan aschia: "..., co duessen nus buca esser pia affons da vischnaunca.»

Nota - nel Memorial dils Vischins de Tschamut

1. Che nosa alp deigi esser nosa atgna e che negin sappi guder quella en negins graus.
2. Pretendein nus d'esser affons da vischnaunca en tuts graus, quei ei, en alps, pastiras da casa ed uauls e lennas, seigi da tgei natiras ch'ei vegli. Ni auters avantatgs communabels che crodan tier alla vischnaunca, seigi lura da tgei natira ch'ei vegli.
3. Schinavon sco nus essan vegni sclaus malgestamein dallas alps e pastiras da casa dalla vischnaunca, sche pretendein nus era per l'indemnizaziun da quellas varts.

NB. Schinavon sco nus vein purtau grevezias sco affons da vischnaunca e vuler sclauder, pertgei ei deigi vegnir priu ad egl il territori da **Tschamut**, il qual vegn ed ei vegnius gudius dils possessurs da vischnaunca, il qual ei buca jasters, pertgei nus, numnadamein **Scharinas** ed ils vischins da **Selva**, ils quals ins po dir che tuts hagien funs sin **Tschamut**, quei ei adina vegniu tolerau sco affons da vischnaunca, pertgei quei ei mai vegniu pagau fein jester per quei territori ed aschia, co duessen nus buca esser pia affons da vischnaunca.



Tschamut

1863 – Conclus dils vischins appartenent tier las pretensiuns ch'els fan

Conclus Dils Vischins appartenent tier las pretensiuns ch'els fan.

Els pretendan: Sper l'Alp Tschamut che s'auda al vischinadi da Tschamut vulan els era il Mun Traviers, la vart spundiva da l'autra vart da Prau Mulins. Quella questiun meina la finala al process. Il document da 1398 duei valer. - Ils vischins dalla val astgan ni pascular ni segar fein a pastg. - Sch'ei plai als da Tschamut, vulan els cargar las nuorsas cun la vischnaunca. - Ils da Tschamut vulan ver tuts dretgs dils uauls. - La vicendeivladad duei reger denter Tujetsch e Tschamut. - Alla fina va ei aunc pervia dallas cauras ed il pauperesser.

1. Che la brev da 1398, renovada 1543, deigi restar tier siu diever e cumplein possess.
2. Che la vischnaunca renconuschi il numnau **Mun Traviers** ni pastira da casa sco nus vein gudiu e possediu dil maun dalla vart seniastra (*gestamein da vart dretga dil Rein*) per atgna proprietad, sco l'autra part alp.
3. Da tut temps, bein aber che la vischnaunca possi quell'alp ni pascular ni segar da negin temps. Deigi ei vegnir terminau tut quei ch'ei dispiteivel denter la vischnaunca e **Tschamut**.
4. Dil maun da **Muschaneras**, quei dil **Run Gron** viers encunter il lag ch'ei dispiteivel, deigi restar en cuminonza, bein aber ch'ils da **Tschamut** possein cargar las lur nuorsas cun la vischnaunca sch'ei plagi ad els.
5. S'obligheschan ils da **Tschamut** da star naven dils 20 da zercladur sin lur alp entochen ch'ei vegn descargau las alps – sco era deigi la vischnaunca buca stuer clauder naven dil **Rein da Prau Mulins** entochen tier **Surpalits**, bein aber che sch'in ni l'auter vischin less clauder, che la vischnaunca stoppi dar lenna da clauder era quei sch'ei vegness pretendiu en conform d'autras classenas.
6. Pretendan ils da **Tschamut** da haver tuts dretgs dils uauls ni autars lennas da feglia sco la vischnaunca.
7. Tuttas taglias che vegnan fatgas en vischnaunca ariguard las taglias deigi vegnir priu si il cadaster dallas raubas privatas sco generalas resalvond ils uauls, quei fuss taglia per la via nova e deigi vegnir pagau suenter mellis.
8. Deigi la vischnaunca tener igl obercheit, schilunsch sco la cumpetenzia lai tier en cass ch'ei vegness surfatg denter ils vischins da **Tschamut**.
9. Deigi ei vegnir a restar denter la vischnaunca e **Tschamut** reciproc (*vicendeivel*) da vegnir sin **Tschamut** ed ils da **Tschamut** vegnir anoragiu.
10. Tucond tier il pauperesser da vischnaunca, il trer via quels, deigien ils vischins da **Tschamut** esser perservai da buca stuer schar vegnir tier da sias atgnas alps a quels cun segar ni leu cultivar, auter che sco quei che sia brev da cumpromiss plaida.
11. Tucond tier las cauras dil vischinadi da **Tschamut**, deigien quels ver il dretg da schar ira libramein en **Cavradi**, **Maighels** e **Surpalits** da tut temps, sco la brev dalla vendita plaida da quellas treis alps.